

ब्र॒ह्म हि॒ यज्ञो ब्र॒ह्म हि॒ बृ॒हस्पतिर्ब्र॒ह्म हि॒ यज्ञस्तत्पुनर्यज्ञपथमपिपद्यते सोऽपि-
 प॒द्यैव॒ यज्ञपथं दी॒क्षते त॒स्मान्मैत्रा॒बार्हस्पत्यं॒ चरुं निर्व॒पति ॥ ४ ॥ त॒स्यावृ॒त् । या
 स्वय॑म्प्रशी॒र्णाश्च॒त्थी शा॒खा प्रा॒ची वो॒दीची वा भ॒वति त॒स्यै मैत्रं पा॒त्रं करोति
 वरु॑ण्या वाऽ॒एषा या॒ पर॒शुवृ॒कणा॒थैषा॒ मैत्री या॒ स्वय॑म्प्रशी॒र्णा
 र्णायै॒ शा॒खायै॒ मैत्रं पा॒त्रं करोति ॥ ५ ॥ अथा॒त॒च्य द॒धि । वि॒नाटऽ॒ग्रासि॒च्य र॒थं
 यु॒क्ताब॒ध्य दे॒दीयित॒वाऽ॒ग्राह॒ तद्य॒त्स्वय॑मु॒दितं न॒वनी॑तं तदा॒ज्यं भ॒वति वरु॑ण्यं वा
 ऽ॒एत॒द्यन्म॒थित॒मथै॒तन्मै॒त्रं य॒त्स्वय॑मु॒दितं त॒स्मात्स्वय॑मु॒दितमा॒ज्यं भ॒वति ॥ ६ ॥ द्वे-
 धा॒ तण्डु॒लान्कुर्व॑न्ति । स॒ येऽ॒णीया॒ऽसः॒ परि॒भिन्नास्ते॒ बार्ह॑स्पत्या अथ॒ ये स्थ॒वी-
 या॒ऽसोऽ॒परि॒भिन्नास्ते॒ मैत्रा॑ न॒ वै मि॒त्रः कं॒ चन॒ हिन॑स्ति न॒ मित्रं॒ कश्च॑न॒ हिन॑-
 स्ति॒ नैनं॑ कु॒शो न॒ कण॑टको वि॒भिन॑त्ति॒ नास्य॒ व्र॒णश्च॒नास्ति॒ सर्व॑स्य॒ क्वेव॒ मित्रो॒
 मि॒त्रम् ॥ ७ ॥ अथ॒ बार्ह॑स्पत्यं॒ चरु॑म॒धिश्च॑यति । तं॒ मैत्रे॑ण पा॒त्रेणा॒पि द॒धाति तदा॒-
 ज्यमा॑नयति त॒त्तण्डु॒लाना॒वप॑ति स॒ एष॒ ऊ॒ष्मणै॒व श्र॑द्यते वरु॑ण्यो वाऽ॒एष॒ यो
 ऽ॒ग्निना॑ शृ॒तोऽ॒थैष॒ मैत्रो॒ य॒ ऊ॒ष्मणा॑ शृ॒तस्त॒स्मादू॒ष्मणा॑ शृ॒तो भ॑वति त॒योरु॒भयो-
 र॒वद्य॒न्नाह॒ मित्रा॑बृ॒हस्प॑तिभ्यामनु॒ब्रूही॒त्याश्चा॒व्याह॒ मित्रा॑बृ॒हस्प॑ती य॒ज्ञेति॒ वषट्कृ॑-
 ते जु॒होति ॥ ८ ॥ ब्रा॒ह्मण॑म् ॥ ६ [३. २.] ॥ ॥ शतम् ३२०० ॥ ॥

स॒ वै दी॒क्षते । स॒ उप॒वस॑थेऽ॒ग्नीषो॑मीयं पशुमा॒लभ॑ते त॒स्य व॒पया॒ प्रच॑र्या॒ग्नी-
 षो॑मीयमे॒काद॑शकपालं पुरोडा॒शं निर्व॑पति तदनु दे॒व॒स्वा॒ऽह॒वी॒ऽषि नि॒रु॒ध्यन्ते
 ॥ १ ॥ स॒वित्रे॒ सत्य॑प्रसवाय । द्वा॒दश॑कपालं वा॒ष्टाक॑पालं वा पुरोडा॒शं निर्व॑पति
 प्ला॒शुकानां॒ व्री॒हीणा॒ऽस॒विता॒ वै दे॒वानां॑ प्रसविता॒ स॒वितृ॑प्रसूतः सू॒याऽ॒इत्य॑थ
 यत्प्ला॒शुकानां॒ व्री॒हीणां॑ क्षि॒प्रे मा॒ प्र॒सुवा॑निति ॥ २ ॥ अथा॒ग्नये॒ गृह॑पतये । अष्टा-
 कपालं पुरोडा॒शं निर्व॑पत्याशूना॒ऽश्रीर्वै॒ गार्ह॑पतं या॒वतो॒ याव॑त ई॒ष्टे त॒देन॑म॒ग्निरे॒-
 व॒ गृह॑पतिर्गार्ह॑पत॒मभि॒ परि॑णयत्यथ यदाशूनां क्षि॒प्रे मा॒ परि॑णयानिति ॥ ३ ॥